

»Redovni izvještaj dnevnih događaja i pojava«

Izvještaj se odnosi na događaje u vremenskom periodu od 09.09.2024. godine od 08:00 sati do 10.09.2024. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Općina Bužim. Vatrogasna jedinica općine Bužim imala je intervenciju na gašenju požara od 12:45 do 13:00 sati, u ul. Generala Izeta Nanića, gdje je gorjelo putničko motorno vozilo.

Grad Cazin. Vatrogasna jedinica grada Cazina imala je intervenciju na gašenju požara od 13:00 do 14:23 sati, u mjestu Kolište, gdje je gorio stambeni objekat-kuća.

Vatrogasne jedinice u ostalim općinama nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi na području Kantona su prohodni.

Minerski radovi aktuelni su od 05:40 do 16 sati na ulazu u Bosansku Krupu iz pravca Bihaća, a obustave su 15-minutne (i 15 minuta propuštanje saobraćaja).

Na graničnim prelazima nema dužih zadržavanja.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desile su se tri saobraćajne nezgode. Dva lica zadobila su teže tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA –NUS (LP-19)

Grad Bihać

Od Ministarstva unutrašnjih poslova USK-a primljen je zahtjev za uništavanje predmeta po Naredbama sudova, a radi se o municiji različitih kalibara, a koja se nalazi u službenim prostorijama za čuvanje tragova i dokaza MUP-a USK-a.

Od Policijske stanice Bihać zaprimljena je službena zabilješka sačinjena na okolnosti prijave NUS-a, gdje je prilikom pretresa kuće od strane policijskih službenika Sektora kriminalističke policije MUP USK-a Bihać u ul. Mehmeda paše Sokolovića, pronađene tri ručne bombe i dva okvira za automatsku pušku. Također, u zabilješci je navedeno da je o događaju upoznat dežurni tužitelj koji je naložio da se angažuje Civilna zaštita koja će ukloniti pronađeni NUS. Prijave NUS-a su prosljeđene u Federalnu upravu civilne zaštite na dalje postupanje.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 15 °C.

Vodostaj rijeke Une iznosi 22 cm, (početak obavještanja je 100 cm).

Padavine: 19 l/m².

U općini Sanski Most u 08:00 sati temperatura je iznosila 16 °C.

Vodostaj rijeke Sane iznosi 71 cm, (početak obavještanja je 310 cm).

Padavine: kiša 17 l/m².

Napomena. Služba za civilnu, protivpožarnu zaštitu i zajedničke poslove grada Bosanska Krupa nije dostavila redovni izvještaj.